

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE MEDIO AMBIENTE E CAMBIO CLIMÁTICO E O CONCELLO DE OROSO PARA A MELLORA E ACONDICIONAMENTO DUN PARQUE CANINO EN PORTO AVIEIRA, NESTE CONCELLO

1.- A Consellería de Medio Ambiente e Cambio Climático (en adiante CMACC) é o órgano da Administración da Comunidade Autónoma ao que lle corresponden as competencias e funcións en materia de ambiente, conservación do patrimonio natural e da biodiversidade, a ordenación do litoral e promoción da paisaxe, a protección das augas, a loita contra o cambio climático e prevención da contaminación e as competencias na materia de instalacións de produción de enerxía a partir de fontes renovables, conforme ao establecido no Estatuto de autonomía para Galicia e o Decreto 42/2024 do 14 de abril polo que se establece a estrutura orgánica das consellerías da Xunta de Galicia e no Decreto 137/2024, de 20 de maio, polo que establece a estrutura orgánica da CMACC.

No mencionado ámbito material, constitúe un dos obxectivos a aplicación de medidas de protección e benestar dos animais de compañía tal e como define a lei 4/2017 de 3 outubro de protección e benestar dos animais de compañía en Galicia.

2- Antecedentes

A Dirección Xeral de Patrimonio Natural (DXPN, en adiante) de acordo co artigo 13 do Decreto 137/2024 do 20 de maio, exerce entre as súas atribucións e competencias, a elaboración de normativa e aplicación de medidas de protección e benestar dos animais de compañía.

Os parques caninos nas cidades son considerados infraestruturas que contribúen á mellora do benestar dos animais, facilitando aos seus propietarios lugares onde posibilitar o cumprimento das obrigas que a normativa establece e facilitarlles o necesario exercicio físico e descanso de acordo coas súas necesidades fisiolóxicas e etolóxicas de especie.

A Xunta de Galicia adopta a medida de crear en colaboración cos concellos parques caninos nas sete grandes cidades galegas.

O Concello de Oroso manifestou o seu interese na colaboración para a mellora e adecuación dun parque canino en Porto Avieira, no citado concello, e por tal motivo asinou coa CMACC o día 30 de xuño de 2026 un protocolo de colaboración co obxecto de definir o marco xeral de colaboración entre ambas administracións para o fomento do benestar animal, que culminara na construción coa entrega ao Concello de Oroso das obras de mellora e adecuación do mencionado parque canino.



3.- Finalidade

Para os efectos sinalados tense previsto formalizar co Concello de Oroso o instrumento convencional arriba referido por un período de vixencia comprendido entre a data da súa sinatura e ata o 31 de decembro de 2026, sen prexuízo que ambas as partes acorden unánimemente unha prórroga por un período máximo de dous anos adicionais en calquera momento antes da finalización do prazo de vixencia.

4- Obxecto

O Convenio ten por obxecto establecer as bases da colaboración e cooperación técnica e económica entre CMACC e o Concello de Oroso , que permitan acometer e incorporar ao patrimonio público municipal as obras de mellora e acondicionamento dun parque canino situado na urbanización de Porto Avieira, nunha superficie de actuación aproximada de 900 m² integrada nun entorno natural consolidado dentro do citado núcleo residencial no citado concello.

5- Fundamentos

O instrumento convencional que se pretende asinar fundaméntase no seguinte:

A CMACC a través da DXPN de acordo co artigo 13 do Decreto 137/2024 do 20 de maio, exerce entre as súas atribucións e competencias, a elaboración de normativa e aplicación de medidas de protección e benestar dos animais de compañía tal e como define a lei 4/2017 de 3 outubro de protección e benestar dos animais de compañía en Galicia.

Existe o interese mutuo das partes que subscriben este convenio de realizar actividades que contribúan á mellora do benestar dos animais facilitando aos seus propietarios lugares onde posibilitar o cumprimento das obrigas que a normativa establece e facilitarlles o necesario exercicio físico e descanso de acordo ás súas necesidades

A Xunta de Galicia adopta a medida de crear en colaboración cos concellos parques caninos nas sete grandes cidades galegas.

Por todo o anterior, entendendo por convenio o acordo de vontades adoptado por escrito entre as partes asinantes que o subscriben nun plano de igualdade, para a consecución de fins de interese común en competencias que lle son propias, e tendo en conta os principios de información mutua, a cooperación e a colaboración que inspiran as relacións das administracións públicas, en consideración á razón de interese xeral e dadas as circunstancias concorrentes, xustifícase plenamente a adxudicación directa da axuda prevista no convenio.

Todo o que se fai constar para os efectos do previsto no artigo 19.4 c) e 26.2a) da Lei

DIRECCIÓN XERAL DE PATRIMONIO NATURAL
Edificio Administrativo de San Lázaro s/n
15781 Santiago de Compostela
dxpn.medioambiente@xunta.gal
www.xunta.gal



9/2007, do 13 de xuño, reguladora das subvencións de Galicia e no artigo 15 da Lei 1/2016, do 18 de xaneiro, de transparencia e bo goberno.

Para articular esta acción o concello de Oroso comprométese a poñer a disposición da CMACC, os terreos necesarios, libres de cargas e gravames e co réxime urbanístico adecuado, para a execución das obras das actuacións previstas. O Concello como trámite previo á construción da obra aportará a oportuna certificación xustificativa da dispoñibilidade dos terreos.

6- Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fóra do ámbito de aplicación da Lei 9/2017, de 8 de novembro, de contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta lei para resolver as dúbidas e lagoas que puidesen presentarse.

Para a tramitación do convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

(documento asinado dixitalmente)

A directora xeral de Patrimonio Natural

Marisol Díaz Mouteira

